

# Luong Mar Chierruok!

*Kanisa mar Nyasaye dwarore mondo obed kod chierruok! To Chierruok en ang'o? – to wanyalo yude nade?*

Ji mang'eny ong'eyo wer machon mane wer kama, “Chierwa kendo.” Mae tiende nang'o? Ichierowa nikech ang'o? Inyalo chierwa eyo mane to kendo wanyalo yudo chierruok e kinde mage? Wawinjo weche mang'eny maok gin kare kaluwore gi twak mar “Chierruok” kod “bedo makare” e kindwa gi Nyasaye – to wachni osebedo kitiyogo marach ahinya e paro mag jowinjo mang'eny kawuono. Kuom ji mang'eny, “chierruok” en mindhiero kata chokruok magalamoro mar din mantie kod ranyisi mang'eny mopogore. Wachore ahinya ni “chierruok” gemo fweny mag chokruok machon mar hema mantiere kod ranyisi mang'eny kaka, kandho marachar, pat wang' machwero luya, jayalo matwaro kawacho “weche mag pong'ruok” kaka “Haleluya!” “Pakuru Ruoth!” “Wadhi kedo kod jachien machon otieno makawuono!” “Adwaro winjo ka uwacho ni, ‘Amin!’” “Miuru Ruoth chunyu kawuononi?” Ee, “Weuru jotich mantiere kod mifuke mag sadaka mondo obi nyime kae kuom ng'uono. Amin, kendo Haleluya!”

Chierruok mar adiera kata kamano en puonj mar muma. “Ng'ama duong' molojo, ma nyinge ng'ama ler, kendo mosiko nyaka chieng' wacho kama; “Adak kama ler kendo man malo, gi joma chunyu gi obolare kendo muol, mondo *aduog* chuny joma muol, kendo *ajiw* teko mar joma obolare.” (Isaya 57:15). Kawasomo Zaburi 85:6-7, jandik Zaburi wacho ne Nyasaye weche mantiere kod mor ahinya niya: “Wan jogi, yie idwognwa tekowa mondo wapaki. A Ruoth Nyasaye, reswa, kinyisowago ni iherowa gi hera mosiko.” Chierruok *manyien* nyiso ni ne nititiere chierruok chakre chon. Twak mathoth kuom wachni wadhi somo bang'e.

## **Chierruok en ang'o?**

“Chierruok” gi dhok mar Kiebrania en *chayah*, tiende ni “duoko e ngima,” “duogo mar paro,” kata “duoko gimoro kaka ne gino nitiere chon.” Wanyalo wacho ni, “Ng'at mane onimo ne ochier ka hono.” Kaluwore gi kaka itiyoko e Muma tiende ni duoko, chiero, kata keto gimoro manyien bang' lwar e yor roho maler, kata bang' wich wil, kata yawo wang' bang' bedo mamuofu e yor roho.

Chierruok oken ang'o: Chierruok, kaluwore gi kaka itiyoko e muma oken tich mar yalo, kata kamano ji mang'eny inyalo chier kaluwore kode. *Oken* paro, kata kamano ranyisi machalo kamano nyalo tudore kode.

Chierruok en ang'o: En keto ngima ng'ato kata ngima ji manyien e yor roho maler. En kuom “paro achiel,” kowuok e chuny Nyasaye kod Chikege.

## En Seche Mage Ma Chierruok Dwarore?

Chierruok dwarore e kinde ma hera mar jog Nyasaye odok piny. Fweny 3:15-17 wacho kama, “Ang’eyo timbeni duto. Ang’eyo ni ok ing’ich, bende ok iliet. To daber kibedo maliet kata mang’ich. To kaka koro indhemdhem, to ok iliet kata ok ing’ich, abiro ng’ogi oko! Iwacho ni in jamoko man gi mwandu mathoth, kendo onge gima ichando, to ikiya ni in ng’at machandore moloyo. In ng’at modhier chuth majachan, kendo in muofu bende in duk.”

Wanon matut *ranyisi mag dwaro* mar chierruok: Mana kaka ng’at matuo nitiere gi ranyisi mag tuo e dende, kamano bende dwaro mar chierruok nitiere kod ranyisi makende mag roho. Moko kuom ranyisigi gin...

- Bedo ka gima okichando gimoro: bedo mamor kod kaka gik moko nitiere. “Jogo mabudho abudha” kendo “maonge kod lokruok e ngimagi kod ngima jowadgi” dwarore mondo onwang’ chierruok e yor roho.
- Bedo maok wadew jogo molal kod jogo machandore e piny (1 Jo-Korintho 10:23). Ere kaka wanyalo neno kata somo twak madhi nyime e piny maok otawa kodgi? Kaok kamano to nyisore ni wadwaro chierruok manyien kokadho kuom roho maler.
- Pando richowa maling’ling’ (Kwan 32:23). Ka wayudore kawapando richowa kata ka wawacho ni, “chieng’ moro... wabiro loko timbewago,” mano dwarore mondo wayud chierruok e yor roho maler.
- Bedo kod chuny maok ng’won (Mathayo 6:14-15). Jomoko wachoga ni, “Anyalo ng’uono ne ng’ato mak mana ni wiya ok nyal wil.” Chuny maok ng’won en ranyisi ni dwarore mondo wanwang’ chierruok mar roho maler. Dwarore mondo wabed kod paro, neno, kod winjo machalo kod mag Yesu Kristo (1 Jo-Korintho 2:16). Nyasaye ng’wononwa kendo wiye wil kod richowa seche ma wakwero richowago. “Ogolo richowa kendo owitogi mabor kodwa, mana kaka yo wuok chieng’ bor gi yo podho chieng’.” (Zaburi 103:12). Dwarore mondo wang’won ne jowadwa kuom gigo ma gitimonwa marach. Wan kaka le seche ma waneko. Wan kaka dhano seche ma wayalo kata kwedo jowadwa. Wabedo kaka Nyasaye seche ma wang’wonone jowadwa.
- Bedo kod sunga (Ngeche 29:23). Iparonwa e Ngeche 16:18 niya “Sunga kelo masira, kendo ng’ayi miyo ng’ato chwanyore.” Sunga kod Ng’ayi ema nomiyo Lusifa opodho (Ezekiel 28:17). Nyaka wabed motang’ mondo timbege kik nyisore kuomwa. Ka wanwang’ore kawantie gi sunga kata bedo kod ng’ayi, mano tiendeni wadwaro mondo wabedi kod ng’wono mar chierruok.
- Bedo kod akweda kuom Jokristo moko. Wachore ni wanyalo yiero osiepewa to ok wanyal yiero owetewa. Jaduong’ moro nowacho makare niya, “Nyaka walok owete bende.” Som kendo imak Mathayo 18:15 mondo ichier osieplo.

• Gimoro amora mamiyo yie ma wantierego e yor Roho Maler *dok chien* moloyo kaka ne entire chon: Waduto wang'eyo yo madhi Babilon – en mana okang' ariyo kende to waduogo e timbewa machon kod ngimawa machon. Ka iwinjo ka gima ikier, mano nyisore ni IDWARO chierruok mar roho maler!

Ranyisigi duto miyowa fweny moromo ni dwarore mondo wabedi machiegni kod Nyasaye kendo mondo wawinj wachne.

### **Weche Mopondo Kaluwore Kod Dwachwa Mar Chierruok**

Ndiko mar 2 Jo-Korintho 4:16 paronwa kama, “kuom mano, chunywa ok nyosre. Kata obedo ni ringrewa rumo, to chunywa *iloso manyien* [ichierowa] *pile ka pile*.” Ndiko mar 1 Jo-Thesalonika 5:19 bende miyowa chik niya, “Kik usind Roho tiyo.” Nitiere yore ariyo ma wanyalo sindo godo Roho mar Nyasaye tiyo kuomwa: 1) Wanyalo tamore kata kwedo kuom ng'eyo marwa kawawacho kama, “Nyasaye, okadwar mich mari nikech adhi timo kaka an awuon adwaro; kata, 2) wanyalo miyo Roho mar Nyasaye dok chien kendo “tho” nikech tamruok marwa mar dwaro chierruok. Paulo chikowa kama, “Kikijwang' mich mar Roho mane iyudo kane okor wach kuomi e kinde mane jodongo oyieyoe lwetgi kuomi.” (1 Timotheo 4:14). E kinde mang'eny, dok marwa chien e yor roho maler biroga mos mos kendo kaok wang'eyo. Nikech nitiere ranyisi moko mag del, wadok chien e yor Roho Maler nikech tembe maok wang'eyo mamiyo “wapodho” mayot. Samson en ranyisi maber mar ng'at mane nitiere kod Roho mar Nyasaye to kane otugo kod richo to ne opodho (Jong'ad Bura 14:6, 19). Ndalo moko jopuonjre ne oyudo teko mowuok kuom Yesu Kristo mar chang kod golo jochiende (Mathayo 10:5-8). Kata kamano bang'e ne ginenore ka gima tekono owuok kuomgi kane gitemo golo jachien moro to ok ne ging'eyo gimomiyo. Yesu nowachonegi ni yie margi ema ne odok piny (Mathayo 17:19-20) – bende ok ne ochiergi manyien e yor Roho Maler. Petro *neparo* ni en gi teko mochopo ndalo ma koro weche ne odhi mobedo matek, koro kuom kuong', ne okwedo Ruoth didek (Yohana 13:38). Seche mang'eny chal mar chunywa bedoga mana ka gima *waonge gi ng'eyo* seche ma wadich gi dwaro magwa ahinya. Seche mang'eny bende waumo podho magwa kod miriambo kawatiyo kod ratiro maok kare maling'ling'.

Beduru ka ung'eyo kama: Chakruok mar dhano maen ringre biro *kedo* matek kod chierruok. Kuom mano nyaka wapenjore kama, “Bende wasomoga kata lemo seche DUTO ma wan kod thuolo? Kose mor mag weche piny ema kawo seche ma onego wabed kod Nyasaye?” Wachorega ni yo madhi *Gehena* oket kuom paro maber. Mondo wayud chierruok mar adiera kendo mar Roho Maler nyaka wayie ni wan kod dwaro – kendo nyaka wakaw okang'.

## **Dwarore Mondo Wabedi kod Chierruok Machalo Nade?**

Dwarore mondo oketwa manyien kata chiwruok mabiro chiero kanisa mar Nyasaye kanyakla kuom ngima mar Roho Maler. Waparuru ni tiend chierruok en keto manyien, “dwoko e ngima” kata paro mar Roho Maler.

Wasomuru wach Nyasaye mondo wawinj maber gima Yesu Kristo wacho ne kanisni. Teng’ buru mantiere kuom Muma mari kendo mondo wasom Fweny kare madongo ariyo kod adek mondo wane ote mag Yesu ne kanisni abiriyo. Ote mane owachonegi pod nitiere kodwa nyaka kawuono. Barupego ne ondik ne “kanisni” kata jogo mane nitiere e kanisnigo. Ochikwa nyadibiriyo kama, “Ng’at man gi it mondo owinj gima Roho wacho ni kanyakla mag jo-kristo.”

Mae en wach makonyowa. Some NYADIRIYO: Som ote mane owach ne kanisni abiriyo kendo mondo ipenjri kama, “Bende nitiere wach momaka an awuon kuom otego?”

## **En Chierruok Machalo Nade Mane Idwaro Mondo Kanisni Abiriyo Mane Nitiere Asia Obedgo?**

Seche mawasomo ote abiriyogi, wayudo ni onge gima iwachonwa kaluwore gi “ndalo” kata “kinde” mane ochiwgie. Jomoko paroga ni ote abiriyo mane owach ne kanisni abiriyo mantiere e buk mar Fweny ne gin ndalo abiriyo kata kinde mag historia mar kanisa. Parono kata kamano oken puonj mar Muma to en yie mawasomo e Muma. Lal maduong’ kod puonj mang’eny mag miriambo biro mana kod paro machalo kamago. Rach mar manyo weche mopondo en ni yo machalo kamano ok kel lokruok mar adiera kuom Jo-Kristo duto mantiere e kanisni duto mag ndalo duto. Ka wanono matut kendo kaponi watiyo gi paroni kuom “kinde duto mag kanisa” mantiere e Muma, to wabiro loso kinde piero ariyo kod achiel mag ndalo mag kanisa oko mar barupe mag Muma Manyien kaluwore gi kaka jomoko tiyo kod barupe abiriyogi. Dwarore mondo wanon wach Nyasaye eka wayud *lokruokwa makende* molojo keto wechegi kar “kinde moko mag kanisa.” Kendo ng’ato ka ng’ato nyaka penjre niya, “Bende chikegi nyalo konya an awuon?”

*Dwaro* mar Kristo ne en ang’owa kane oyalo ne kanisni abiriyo mantiere e buk mar Fweny 2-3? Kuom adiera, notemo “chiero” kanisnigo. Ne en mana ote achielno mane otayo Juda mondo ondiki e Juda 3: “Osiepena, ne agombo ahinya mondo andiknu kuom warruok ma waduto wango, to koro aneno ni nyaka andiknu, kajiwou mondo *umed kedo matek ni wach yie ma Nyasaye osemiyo joge dichiel kendo mogik.*”

- Yesu ne okwero kanisa ma *Efeso* kuom weyo hera ma ne giherego mokwongo (Fweny 2:4).
- Ne okwero kanisa ma *Smurna* nikech moko kwomgi ne oluo tim oganda mane olal e kindgi mane gin mana oganda jolemo mar Satan. (Fweny 2:9).

- Ne okwero kanisa ma *Pergamo* nikech ng'enygi ne omako puonj mag Balam mane oketore ni tiyo tich mar din mondo oyudgo konyruok mare owuon, kendo kuom mako puonj mag miriambo mag Jo-Nikolao (Fweny 2:14-15).
- Ne okwero kanisa ma *Thuatira* nikech moko kuomgi ne owinjo kendo mako puonj mag miriambo, kagitimo terruok mar chuny kod mar ringruok (Fweny 2:20-21).
- Yesu nowacho ne kanisa ma *Sarde*, “Ang'eyo ni in gi nying ni ingima to kata kamano isetho” (Fweny 3:1-3). Ne gionge gi ngima motegno mar Roho. Nowacho, “Chiew mondo ijiw gima pod in-go” (Fweny 3:1).
- Kristo nopwoyo kanisa ma *Filadelfia* kuom hera mare, mak mana ni mondo obed motang' kendo omak gima en-go matek, mondo kik ng'ato maye osimbone (Fweny 3:11). Mae tiende ni nitiere jok ma biro temo matek mondo olok yie margi.
- Kristo nowacho ne kanyakla mar kanisa ma *Laodikia* mondo okwer richogi; negiparo ni ok gichando gimoro (Fweny 3:17). Ne gi ndhemdhem, kendo ne gionge korgi kod atachgi, okne gidewo gimoro amoro kendo okne gichando dich.

Kendo nyaka wapenjre kama, “Bende dwarore mondo ati kod kwer mokwergo kanisnigi AWUON?”

Chikegi nomi kanisni mondo ginyal loyo richogi kod podho mag-gi. Kendo chikegi tiyo kuom Jo-Kristo nyaka kawuononi.

Jomoko nitiere mana e kanyakla mar Jo-Kristo mana kod nying-gi kende; okgimor gi lokruok, loch, kata dongruok. Jomoko okochando gimoro kendo gimor kod kaka gik moko nitiere kendo gineno ni onge tiende mar lokruok moro amora. To moko bende pod odich kod wechegi giwegi maok gine ni dwarore mondo wanonre wawegi e yor Roho. Jo-Korintho mokwongo 11:28, 31 paronwa ni oken mana ndalo mag pasaka kende; en ndalo *duto*. “Kuom mano ng'ato nyaka nonre mondi...” “Ka da wanonre wawegi mokwongo, to ok dwayud bura.

Kristo ne otiyo kod ngero kokwerowa ni ogolo biro bedo e dier cham mabeyo. “Wegiuru aweya mondo gidongi giduto, nyaka ndalo keyo chopi,” Kristo nowacho e Mathayo 13:30, “eka ananyis jokeyo ni mondo gikwong gipudh ogolo, gitue wiye wiye mondo giwang' e mach. Bang'e gika cham, giol e decha.” “Unung'e joma kamago mana gi olemo ma ginyago” (Mathayo 7:16). Mae en kwan molernwa ahinya. Waranguru olemo, ok oboke, kata kaka gimoro neno, kata riekio ma en rapim makare mar ngima mantiere e yien. Dwarore mondo watem ji duto — kata mana wan wegii — kod weche duto mawuok e dhogwa (Mathayo 4:4). Imiyowa chik e Mathayo 7:22, “Ka chieng' giko ochopo, ji mathoth [dhok mar Grik, *polus*, tiende ni “mathoth”] nowachna niya, ‘Ruoth, Ruoth, donge ne wakoro wach e nyingi, kendo wagolo jochiende e nyingi? Kose donge e nyingi ema ne watimoe honni? Eka anawachnigi niya, Ne ok ang'eyou ngang'! Ayeuru kuoma

un jorichogi!” (Mathayo 7:23). “Nikech jima iluongo ng’eny, to joma iyiero nok” (Mathayo 22:14).

Ber kawabedo kod Chierruok mabiro moko mach machon kata, “hera mokwongo” mane wantiere godo kane walokore.

- Bende iparo “ndalo mane beyoni”?
- Ndalo mane ichiwori ne Ruoth kod tije?
  - Ndalo mane ibiro e kanisa ka in gi geno maduong’ kuom Nyasaye kaka – yalo majiwo chuny, chokruok maber, bedo mamor e chunyi?
  - Ndalo mane okinyal paro lewo dhi e kanisa kar dhi e tuke kod dich moko mag piny?
  - Ndalo mane okinyal nono gimomiyo okinyal tiyo ne Ruoth? Wakati haukutafuta udhuru kwa nini haukuweza kumtumikia Bwana? Nonruok mari en ang’o sani? Bende Kristo biro yie kode?

Nyaka wayuag ne Nyasaye kama, “Bende ibiro chierowa kendo?” “Chierowa *kendo*” tiende ni ne nitiere chierruok chakre *chon*. Nyasaye mondo owenwa seche duto mana kawadok ire. Ngima mar bedo Ja-Kristo nitiere kod “chakruok mang’eny.” Wapodho – kendo watimo richo – to kata kamano wadhi nyime kod chier kendo watemo mondo kik wapodh e yo machalo kamano kendo. Ka wasebedo kod ma e pachwa, nyaka watem bedo gi teko pile pile kendo kod riekio e wuoth marwa mar bedo Jo-Kristo.

Kuom ranyisi, ngima mar ng’at man kod yie oken kaka ting’o gimoro maliel mach ka iidho nyaka malo. Ee, bedo Ja-Kristo en wuoth mantiere gi gode, kendo en kod hoho bende. Iparonwa e Zaburi 23:4 niya, “Kata obedo ni akadho e hoho mar tipo mar tho, to ok analuor gimoro, nikech in koda. Ludhi gi odungani ema hoyo.”

Kata odoko ni en adiera ni Nyasaye okluong joma ng’eny man kod riekio mar ringruok, kata jogo mantie kod teko, kata jogo mantiere e okang’ man malo kuom sani (1 Jo-Korintho 1:26), okonego *wabed* kod nyao kata fuwo. “To donguru kuom ng’uono, kumedo ng’eyo Ruodhwa kendo jawarwa Yesu Kristo. Duong’ obedne kawuono kendo nyaka chieng’. Amin” (2 Petro 3:18).

Dwarore mondo wabed kod chierruok mabiro kelo mor kod *loch* (Fweny 21:7) – kuom nyithi Nyasaye. Wan gi...

- Jo-Kristo mang’eny maonge gi loch kawuono. Okginyal chung’ kendo.
- Jo-Kristo mang’eny ma chunysi osetho. Gineno malit.
- Jo-Kristo mang’eny mosedok chien. Gipodho kendo gidok e yoregi machon mag ngima.

- Nitiere Jo-Kristo mang'eny ahinya man gi kuyo kendo maok nyal loko timbegi machon. Ok wanyal loko gigo mane osekadho; wanyalo mana hawo man nyimwa. “Adier, owetena, an okawach ni asemake, to gima duong' ma ang'eyo en ma; ka *wiya owil* gi gik ma osekadho, to ahawo gima ni *nyima*, kendo aringo matek mondo achop kar pok, ma en ngima mae polo ma Nyasaye luongowae kuom Kristo Yesu” (Jo-Filipi 3:13-14).

Dwarore mondo wabed kod — chuny maler mar chiwruok kendo mantiere gi hera. Ka wang'eyo maber pok man nyimwa (1 Jo-Korintho 13:12), kendo dwarore ni pile pile kawachiew to nyaka wawinj ka gima wayudo hawi moro maduong' ahinya! Pok marwa biro bedo maduong' ahinya moloyo hawi moro amora! Onge tiende winjo ka gima waonge gi loch kendo ka gima chunywa osetho. Onge thuolo mar bedo gi chuny moseho kata Jo-Kristo moseol. Mor ma Ruoth Nyasaye miyou ema kelonu teko (Nehemia 8:10); Wadwaro chierruok ma Nyasaye biro miyowa godo wer kod mor – e chunywa nikech wang'eyo gima wan, kod kama wadhie. Habakuk ne olemo, “Aa RUOTH, chak itim timbeni machon mana e ndalogi kendo kata obedo ni ikecho kamano,” kendo nodhi nyime ka owacho ni, “to pod anamor amora kuom Ruoth Nyasaye, kendo anabed moil kuom NYASAYE (Habakuk 3:2, 18).

### **Wanyalo Yudo Chierruok Nade?**

En Nyasaye kende ema nyalo miyowa chierruok. En kende ema en Chakruok: “Wan jogi, yie idwognwa tekowa mondo wapaki” (Zaburi 85:6). Onge ng'ato ang'ata, kata migao moro amora, manyalo kelo chenro mar chierruok mar Roho Maler. Oken gima dhano ema timo; en gima Nyasaye timo mana ka wakwero richowa kendo kawamako wachne gi dhi nyime kuom lamo.

Waparuru ni Roho mar Nyasaye makelo chierruok bedo manyien kuomwa pile pile to mana kuom chike! Chikego gin mage?

- Nyaka wayie kod adiera mar Roho Maler. “Nonreuru pile mondo une ane ka un gi yie. Adier, ng'ireuru uwegi! Donge ung'eyo ni Yesu Kristo nie iu, mak man ka un joma orem” (2 Jo-Korintho 13:5)?

- Dwarore mondo wanere kaka wantie — kendo kaka Nyasaye nenowa; nyaka wabed kod yie. Nyaka wabed joma kwero richogi. “Ooyo, awachonu ni ka ok ulokoru uweyo richou, to uduto ubiro tho mana kaka ne githono” (Luka 13:5). (Ndiknwa mondo waorni buk manono miluongo ni, Twak Apar Madwarore Mondo Ing'e Kuom Kwero Richo.)

- Dwarore mondo wang'e Nyasaye kaka entie kendo wawe tugo e kanisa. “Mano kaka gik mikano ni joma olwori beyo! Rit miritogo joma ogeno kuomi bende lich miwuoro” (Zaburi 31:19).

- Nyaka wane richo kaka nitiere — kendo kwero richogo to waweyogi CHUTHO! “Dhiyo, to kik ichak itim richo kendo” (Johana 8:11).

- Nyaka wabed gi gombo mar chierruok. Ka wan kod yie kuom gimoro, en ang'o mamiyo okwanyol lokre? Som Zaburi 50 duto mondo iyud ranyisi maber mar paro mar Daudi.

Seche mang'eny okwadar chierruok mondo wayud lokruok e ngimawa. Lukruok e gima ja-kristo en. Nyaka walokre kowuok kuom kaka wantiere – “kowuok kuom ng'at mane wan chon” kata chal marwa machon – mondo wabed maler kaka Yesu Kristo ne nitiere e yore duto. Tim mar miyo Nyasaye luor en ng'eyo pogo maber kod marach kendo luwo yor Nyasaye ma okwadew – kata ka yorno nenore ka gima okober kendo ka gima okelonwa chandruok. Isaya 55:6-7 jiwowa kama “Dwaruru RUOTH NYASAYE kapod kinde nitie minyalo.” Mae nyiso ni kinde biro ma yudo Nyasaye biro bedo matek ahinya. Onge ng'at ma ong'eyo kinde mapod en go. Nyasaye dwaro mondo oor chierruok ne jogo mamanye kuom adiera.

Wadwaro:

- Chierruok marwa kendwa: mae tiende ni ng'ato ka ngato loso kinde gi Nyasaye
- Chierruok mar joot: mae tiende ni joot duogo kama dwarore ni mondo gibedie.
- Chierruok mar kanisa: mae tiende ni timo tich mane Kristo ochikowa mondo watim (Mathayo 28:19, 20).

Chierruok – kata duogo ir Nyasaye – okmoki kendo isimo ka yao mar pi, mak mana ni ka wamako chike Nyasaye to obiro dewowa. Odwaro mondo oketwa manyien! Nitiere ji mathoth — madwarore mondo opuonj gima koro sani iseng'eyo! Wan — jogo ma oluong kod Nyasaye — seche moko bende wabedoga moromo kendo ma okwachando gimoro? Ere kaka wanyalo chiero jomoko kuom adiera mar Nyasaye ka wan wawegi wadwaro chierruok? Bende wanyalo dwaro Nyasaye mondo omed jomoko e ringruok matuo, ma ndhemndhem kendo ma ok nyal tiyo? “Nikech ung'eyo ni kinde koro osechopo ma uchiewie ua e nindo, nikech chieng' mibiro resowae koro chiegni moloyo ndalo mane wachakoe yie kuom Yesu” (Jo-Rumi 13:11). Mathayo 25:5 paronwa kaka nyiri apar ne onindo to kuom hawi maber moko kuomgi ne ochiew e wang' sa.

To bende, Kristo okpenj maonge gima omiyo kowacho e Luka 18:8, “To chieng' ma wuod dhano obiroe e piny, uparo ni nonwang' joma oyie kuome koso?” Bende nonwang' chierruok mar Roho?

Waduto wawinjuru kendo wamak “luong mogik” mar Nyasaye kawachokore kaachiel e kinde mag Ruoth (Jo-Hibrania 10:25), kendo kawachopo e chokruok maler duto ma higa ka higa (Tim jo-lawi 23). Magi gin kinde maler mane oket kod Nyasaye kendo ma ochikowa mondo wachopie mondo wayud chierruok mar Roho. Bende Kristo koduogo noyud kawatimo kamano (Mathayo 24:46)?

Wayuaguru gi chunywa duto ka wakwayo Nyasaye, “Wan jogi, yie idwognwa tekowa mondo wapaki. A Ruoth Nyasaye, reswa, kinyisowago ni iherowa gi hera mosiko” (Zaburi 85:6-7)!



Jandiko: Llyod W. Cary

Jalok Ndiko: Elijah Ogeda